庫全書

子部

欽定四庫全書

子部 押編卷十七

詳校官中書臣賣 主事臣祁韻士覆勘 鮾

總校官中書臣未 校對官檢討臣郭 腾録點生臣許祖懷

寅

鉩

これ、日は 大いから **解編** 教之所以不民百王法度 明 不建而天理炮矣尚 攝萬事而大本始於 而人極建此義行乎古 唐順之 琪 撰 何

金分でたろう 萬事之有存故尊王之義設而後是是非非昭明而不 大於此者皆斷自聖心而始作者也按晉杜預載晉汉 外此春秋所由作乎春秋之法有述有作小事則述售 陽之文即春秋狩于河陽之書睹此則尊王之解信為 家得古書科斗文字其紀年篇有問襄王會諸侯于河 仲尼特筆也是以王加正月首明大訓前未有言天王 而紀録大事則始作以明義尊甲之分君臣之等孰有 而法天之號自春秋始前未有稱京師而象大之名自

これにから しょとう 法文王之遠于天德宣王之軟懼天命而無害極傷治 者也書天王書天子書王者欲其脩身有本奉天有道 萌矣書京師書王室者欲其朝廷必治國體必立念收 秋克己自治之道端本而不齊其未正始而不治其終 自平远敬十有三王王室之事録于經者九十有二春 春秋設嗚呼是聖人定尊早正君臣復建人紀之本也 之階矣書王后書王世子書王子者欲其齊家有度傳 統有正思関雅之正始下武之繼命而無並后匹嫡之

金公四月全書 者欲其奔走列國申明堂之位舉酆宫之政而無强侯 · 英之資徳而無屈命借侯溢龍勝妾之悖矣書来聘書 **明歸含歸脈者欲其謹命令嚴典刑昭彬弓之錫功韓** 曹之所由與鎬京之所以威而無下堂厭尊之失矣書 来求者欲其惟禮之守惟正之供修太宰貢賦之職宗 會而無以臣名君以君避臣之事矣書來錫命書來歸 狩書居書入者欲其天下為家述時邁之訓復東都之 伯聘問之節而無辱與征利之瀆矣書朝王書如京師

樂征伐悉歸于上如召伯之率職吉甫之治戎而無侯 人工可臣 二百百 伯陪臣掠權之變矣皆因其不正而反之正而致於本 循敬君之節此伯之名所由立叛以古之未始有是而 伯之名起於誰乎王道流行方伯受職古未始有伯也 原者也如此則東周改物而五伯之績可點矣 大邦慢上之患矣書王臣之主照主會主伐者欲其禮 王澤壅而下權張正理微而力政起蒙震主之號而不 序齊伯桓紀 伊浦

稍尊四夷盡抗而僅我諸侯群起而畧定此則桓公之 桓公實造端則桓為首罪矣而春秋或予桓何哉盖點 與桓公之方伯及桓公之既沒世變各異也然桓公一 选異者及之大抵春秋之世盛衰凡三變馬桓公未與 而履正以律已此桓公之所缺也何謂功王室既早而 其義而録其功也功義不相掩而后伯者之是非斷矣 彼善於此也欲知桓公之彼善於此當以春秋世變之 何謂義行乎人心之安而主敬以事上純乎由衷之善

金分世是有意

伐我強于北祭師書敗荆城于南鄭分許鄙宋廢鄭嗣 九八日年八十日 明而王臣不下聘者六十年盟會同而諸侯無私争者 紀小而并於齊城弱而逼於魯此桓公之未與也王禁 足馬者也王臣下聘而不答王師出救而無功凡伯蒙 伯之後得失各殊也是又桓公僅可録之中而復有不 遇魯而我弭矣此桓公之主伯也天王出居而官守不 三十年序續召陵而荆帖矣陳旅聶北而狄退矣獻捷 人之身威衰又凡三變馬圖伯之初與定伯之日及成 秤編

肆盖桓公圖伯之初也貫澤而下葵丘以前衣裳不敢 降郭履事未久設施多好遇殺盟扈閱理未熟檢防易 者此也伐即侵宋侯度未一入蔡侵鄭戎疾未殄滅遂 參盟矣此桓公之既沒也所謂春秋之世盛衰凡三變 問衛懿滅親而義師無討楚書子而主會矣狄書人而 如兵車無大戰仲尼稱其一臣孟氏與其為威在是數 絕墨城杞貶於城邢救徐怠於救許伐黄則外憂啟減 年盖桓公定伯之日也九國叛而前震於管仲死而放

者曹南之文曰宋公曹人邾人其與北杏城濮主諸侯 謂春秋不予宋襄之伯乎則襄公之始當以伯書謂春 立功為不遠功過相準齊伯之本未可考矣 秋為予宋襄之伯乎則襄公之終不以伯録始以伯書 桓公一人之身威衰又凡三變者此也驗春秋大勢之 項則眾志離會卡則家法隳盖桓公成伯之後也所謂 三變則桓公主霸為有功即桓公一身之三變則桓公 序宋伯襄紀

人子可是 红色

椰油

既伯矣何以不足乎終齊桓終身之經營猶可取於春 居庶邦侯伯之長齊晉猶可以伯豈宋之不可以伯哉 其與秦楚之君無别矣春秋忠厚之法盖致意乎始而 之解無以異矣終不以伯録者宋公茲父卒畧不書葬 義則不遠亡也如襄公亦豈知所謂仁義者敗伐丧以 伯将何賴馬或曰襄公假仁義而亡者也曰茍能假仁 秋者徒以有靖中國之功襄公非特無功而又階亂則 不足乎終者也何以致意乎始宋以先代文獻之後爵

金分正是白雪

前晋之君大夫曾不通於盟會不若於典冊文公既入 一艱錫以柜色為東周賢侯春秋詳文公之伯盖文侯家 唇有二文之業謂文侯文公也書録文侯之命扞王于 立威仁悖之甚者也致夷以謀夏義隳之大者也推是 法也文公之與其事易於齊桓固有自来矣然文公以 物以往雖欲假仁與義不能矣 國而事之不載于經者亦凡四年雖以納王之懿功削 序晉伯文紀

というらんかう

秤編

之威衰非係一國之得失春秋抑楚之深故予晉之亟 **請無衣之詩雖晉之臣民不能自安也春秋為是點晉** 是果何哉益晋自武公以支代宗非有王命并在專立 盖求名而不得者也至二十八年晋楚之争乃關夷夏 以求諸侯之利心而為之豈真知君臣之義跡其行事 王固為大美原其初心狐偃曰求諸侯莫如勤王是特 不書文公奔而復國內何所承上何所禀經復畧之勤

金江四月日書

而不見至二十八年一簡之中乃五挈晋侯不以為繁

卷十七

たい可しいいす 於桓公者罪亦多於桓公也事速就於桓公者義尤壞 得諸侯又威乎桓公而曰文非桓匹何也文公之功多 止失鄭葵丘失陳文公三會則大侯小伯莫敢不至其 於葵丘桓公終身與諸侯周旋會野失魯盟幽失衛首 |題数會運徊晚歲好會宰問公文公再合而温之事敏 晦始能向楚文公一 駕而城濮之功多於召陵桓公憂 桓文雖並稱而文固非桓匹也桓公二十餘年蓄成養 則晉亦不為無績於中國美此所以桓文並稱數大抵 卵编

抗矣盟子虎則悖矣此桓之所不敢為也桓公寧不得 此其非桓匹數桓公得江黃而不用於伐楚文公則謂 乎桓公也春秋不以功盖罪不以事掩義不以名誣實 金分で見る言 此則夫子正論之辨獨不深切者明也哉 衛侯則三綱五常於是廢矣此又桓之所不忍為也觀 也桓公會則不通三川盟則不加王人文公會畿內則 非致泰不可與楚争楚柳而泰興矣此桓之所不肯為 不納子華懼其與臣抑君不可以訓文公為元四執

齊孝公不能率桓之業晉襄公能繼文之統孝公之初 宋有抑齊之志襄公之初秦懷駕晋之謀宋改顏之爭 序晉伯裹紀

|漢等可也秦誓曰晋襄公帥師敗殺而春秋不書君将 能挫秦此晋之所以未失伯則殺之功當大書之與城 獨言晋人是特削文也夫殺之戰春秋亦幸晋有功矣 秦尋殺之釁皆争伯之端也孝公不能抗宋而襄公首 何延削之邪曰幸之者夷不偏華以權之未失也削之

改定四軍全書

椰納

者喪不與我以義之不可也豈可以小功妨大義乎雖 散矣陽處父救江則謀怠矣越一二載事不逮初况能 |戰稅以部春秋敗箕以前狄冬伐許以離楚一年之間 ·睡秋祖北師楚張於南茍縱一敵則晉伯去矣襄公夏 然襄公復伯則實由於此文公方沒三強並興秦雄西 伯者之畧則襄之烈何謂僅止乎此曰外患既息舉動 即異伐衛則損威矣會公孫敖則毀列矣士毅主盟則權 三敵悉退亦可謂有伯者之客此其能繼文者也茍有

持久哉是以君子不贵速成而圖全於其然不志小 **炎定四車全書** 是有狼湖之師此非細故也而救鄭之役止書晉人 無服人心之道四君雖執夏盟非復文聚之舊矣靈公 侯之權景公心勞謀奸無制中夏之界属公外強中皆 靈公政隳柄分無抗伯業之志成公力弱事淺無主諸 而宅處於其遠襄公規模又淺於文公甚矣 以少主蒞強卿上騙下肆楚始争鄭盖将當試晋政於 序晋伯靈成景厲紀 钾絲

偏師以侵陳黒壤與扈二會僅能再合列國而已黒壤 成公若有其志矣內難甫靖復國未長四年而後始出 雕墙輕殺愎諫雖欲不亡得平故曰無抗伯業之志也 諸侯北方可圖也夷狄謀取其伯方且沈溺宴安厚飲 會曰平宋難盖君臣之大倫人道之不可廢此豈常變 鄭欲介魯以求通盖未忘晉徳於是為沓棐之會此關 也哉或求賂以免或無功而還楚范山曰晉君少不在 大勢也而新城之盟晋侯不出扈之盟曰討齊亂扈之

號令于辰陵乃且亟會横面求山後諸秋以為先務是 侯不能首合與國大修同盟以治即異之黨使楚人得 人工可以 人工 行方伯之事乃且修惟房一笑之城與大師以伐齊得 孰緩孰急也不能謀少西氏之逆以誅陳之惡使楚遂 子家就穆公晋無討賊之刑諸侯何所觀令馬故曰無 以服鄭扈以謀陳亦庶幾改物也然始之不能即為者 主諸侯之權也景公若能以其權矣規模失序徒勤諸 凡數年外而楚人三歲三伐鄭晉無攘却之師內而鄭 糾糾

汰心行之亦假義飾譽者也歸于京師而後正曹員錫 晉之所忌者曰楚曰秦曰吳曰狄厲公自交剛敗狄則 其畧矣徳薄而多大功處淺而多得志觀厲公不特以 雖得諸侯竟為駕楚故曰無制中夏之畧也属公若有 己不已是孰輕孰重也不能統一 狄哆然言功是孰害孰利也蟲牢馬陵盟蒲晚年三會 矢遺楚而使必不振旅為中國羞乃且伐屬各如滅赤 罪請于王官而後送伐鄭之威此類可欺世自掩矣 六師蒐繕卒来以

金江四月月十

變履險以數十年之經營而行事未免過舉晋文老於 晉悼公其猶有君子之資乎不獨伯功之美也齊桓歷 萌矣故曰無服人心之道也 諸侯無患而蕭墙反危是以三邻之誅成而匠麗之難 通吳則吳成四鄰無爨而諸侯反貳是以沙隨辱我猶 本快也而求多季孫柯陵伐鄭猶未息也而再勤單子 次足四軍全書 狄退會京師伐秦則秦懼戰鄢陵勝楚則楚弱會鍾離 序晋伯悼紀 稗編

法也此其所以能服諸侯能得鄭而駕楚我使晋以智 列 尊也屈己和我則不貪功夷狄也朝聘有數則不求多 謹於用民也不登叛人則識名義也禀命王官則知所 道養其心者數八年九合則勤於安夏也三分四軍 持重有回慮却顧之謀無輕逞輒快之舉盖亦稍知以 事變未多而閱義理未熟也乃能忠厚而不迎堅忍而 奔走晚而復國然血氣之虛騙未除悼公之齒沒矣更 國也六師選德則用人有章也賜御知訓則教士

をごろせった

交足四車公書 德臨之雞澤之名諸侯曰寡君願與一二兄弟相見以 以戰伐為威暴骨而逞未必能駕楚也悼公一以容量 留之哉故五會之信然於不盟無逃盟乞盟之煩使晉 信瀆鬼神費解令未必能得鄭也悼公純以誠心行之 謀不協此豈有勢要力刼之辭哉故十三國相與周旋 鄭子展曰晉君方明必不棄鄭此豈晉能以區區載書 力相長設詐術任強大未必能服諸侯也悼公先以謙 不今而從無滅譚滅遂執曹執衛之事使晉以盟誓為

此其所以失敗夫諸侯盟會之權非大夫敢干也蕭魚 競而勝之哉故三駕之烈不交一旅無城濮鄢陵之勞 處之楚子囊曰晋不可敵事之而後可此豈晉能以 金グセノノ 得鄭而不能掩失陳之貴能駕楚而不能盖誘吳之非 是三者非所謂猶有君子之資者乎然悼公之盛如此 浸分何謹於諸侯而縱於大夫乎陳之不可棄猶鄭之 而其失安在曰能服諸侯而不能杜大夫用事之機能 以後凡三大會士勻茍偃實儼然臨之諸侯雖合大夫

悼公能以晋國壞亂之後復文襄已失之業平公不能 以中夏安強之時保悼公方成之功人之強於為善與 乎不然則悼公之業遠遇齊桓晋文矣 己晚美楚患雖弭吳憂尤甚何明於治楚而閣於治吳 鄭雖向晋陳竟歸楚何工於撫鄭而拙於懷陳乎吳不 可啓猶楚不可釋也會向之後欲數吳不徳以退吳人抑 不可含也成陳之後以為有陳非吾事也無之而後可 序晋伯平昭紀

及足四車全書!

秤編

患而不悟尚何有切足云哉方桓公之初每患伯權大 盖政在侈家而賢者壅棄此其所以削弱不亢也平公 強而王政弱文襄以後王政不足論矣惟恐伯權之不 於亥唐也非與共天位也弗與治天職也夫平公衰微 其安於不競者與我相遠固如此也孟子曰晋平公之 五盟六會服齊狄寧東夏平泰亂城淳于師徒不煩民 正患不自為政大夫為政耳豈有職位不與人共治者 怨識,祁午數當時之功者此然內有變而不知外有

次足口車上 也盖世有尚道自便者嫡於及身之謀而忘乎後日之 而授權於夷狄此宋之盟平公所謂外有患而不悟者 內有變而不知者也人欲自毀藩籬揖仇敵於無下而 豈有尊為邦國而授權於大夫此溴杂之會平公所謂 能強也權者大物也上不能制而授之下則下強而上 與之盾柄此不待智者而後知其不可豈有身主夏盟 千金之利己弗能受呼庸隸而與之雖三尺之重不為 弱中國不能制而授之夷狄則夷狄強而中國弱家有 伊編

是棄權以假之也號之會再讀舊書後八年楚靈王會 宋之盟非楚之能持權也晉主夏盟而挈諸侯以界楚 **亂曲沃之民惟主樂氏不知公室晉幾分國而並立矣** 客平公則謀出乎身而害見乎身何其繆敷溴梁之事 矣此皆平公身致之也至乎昭之政則又微矣僅能 于中實用齊桓召陵之典晋盖十九年無預中國之事 以與之也荀偃一怒而十二國與戎後五年樂盈之作 非大夫敢竊權也諸侯在會而大夫實主載書是委權

生かじとろ言

欠足四年七 讀隐桓之春秋而知王澤之竭也讀昭定之春秋而知 晉君臣者改物厲志憤悱警懼以率舊烈猶恐不逮令 南城兵以示太平丘雖曰同盟齊敢拒令鄭敢爭承衛 會大夫一 病獨先之擾魯困蠻夷之訴坐視諸侯之去而不之 况能駕敵國哉宜乎晉之早也 也四夷未觀德而虒祁崇侈以啓貳列國未聞信而邾 序晋伯頃定紀 盟諸侯方楚處唇于乾谿諸夏庶幾復伯為 秤編

廢也其變在夷狄有楚弗攘有吳弗抑二強並立伯權 遂衰自召陵擁十八國之泉不能振旅至于我蠻之執 靈生馬當原晉事之顛末而察其所由失矣或曰晉之 晉俛然北面而事楚以京師之禮自吳滅巢滅徐伐陳 然者也干尋之本物能靈之必其中先腐壞脫蝕而後 至項定一壞而不可復収嗚呼廢與存亡未有無故而 頃定夫晉以奕世九君之業豈無積累之功者在諸夏 伯烈之壞也晉伯復盛於悼公寝衰於平昭而遂廢於

金岩区人

先貳也當時以齊景衛靈宋景之君其國皆強毅力周 **炎足四華全** 大夫坐而失我執宋樂祁犁而失宋涉伦成何話衛而 之君無非攘骨以從齊者也盖骨執行人叔孫始與邦 旋何畏乎吳楚令也齊景有抑晋代與之志衛宋魯鄭 之張也曰中國茍合則夷狄豈能問乎其端在諸國之 伐晋不能誰何迄乎黄池之會吳哆然操方伯之令而 失衛尚寅辭蔡而失蔡假羽旄於鄭而失鄭是以齊得 下以列國令晉春秋由此絕筆馬則晉之失伯實夷狄

宗國盖自趙鞅取衛貢五百家動晉陽之甲自韓不信 金はせえんごう 憂乎齊衛令也強家多門各求封殖而削弱之禍獨歸 執宋命御不顧践上之盟自魏舒南面涖政敢干位以 叛也使六卿諸臣如先大夫之肅皆盡忠以輸王室何 之離也曰晉國茍治諸侯安得背乎其原在大夫之先 于洮矣終而齊侯衛侯且伐晉矣則晉之失伯乃諸侯 盟于沙次于五氏矣我則與齊會于牵矣宋則與齊會 以盡以諸侯鄭則與齊盟于鹹會于安南美衛則與齊

文定四車全書 利之辯察天理人欲之分正君臣上下之位而示後世 交征利而國危矣晉伯之壞又誰咎數春秋所以嚴義 楚師無出或索我十字而吳人籍為口寶孟子曰上下 而我使蒙執趙鞅受楊楯而宋卿賈禍邯鄲爭貢而三 乎利勝而義微此上下之所以不奪不壓也范樂請冠 失伯乃大夫之擅也曰晋之禮義素明則大夫豈得擅 卿亂國或取季孫之賄而昭公弗納或求蔡侯之貨而 命大事而趙籍韓凌魏斯為諸侯之萌已成矣則晉之

也 君至我則曰朝大夫至魯則曰聘而魯之君大夫有事 列國稱侯而我獨稱公列國書卒而我獨書斃列國之 春秋主魯而述作者也故録魯之行事特加內魯之文 日 准盟經書公子友准盟齊叔孫始 遊見也列國 以防微杜漸反本澄源之道也 金ガスピノ 列 列國獨書曰如經書公如齊如晉大夫如陳如宋 國之盟于我則曰来盟而我之有盟于列國者 序魯世紀 巻十七

炎足四華全書 廟之後其定書則費誓之文獨附於盤詰訓命之後盖 刪詩則史克之頌不班之邶鄘齊鄭之風而繁之於清 擅相吞減皆書滅而我則不書滅而書取經書取郭 不獨春秋之專魯也嗚呼春秋為是尊我之甚者獨望 子齊夫人孫于邾是也春秋可謂尊我之至者也仲尼 之君去國則書出奔而我則不書奔而書孫經書公孫 **鄫取都是也列國之專殺大夫皆書殺而我獨不書殺** 而書刺經書公子買不卒戊刺之刺公子偃是也列國 稗編

作中軍曰各中軍所以正我之紊權也曰築即曰祭郎 責備乎我君也書夫人姜氏書婦姜書孟子所以責備 乎夫人也書暈書柔書羽書仲遂所以責備乎卿大夫 我之深而青我之備也是故褒貶大法皆自我始而是 日初税畝日作丘甲日用田賦所以正我之失政也日 日考宫曰献羽曰立宫曰毀泉臺所以正我之亂制也 也曰郊曰禘曰大雲曰大閱大蒐所以正我之借典也 非善惡未嘗沒其實馬不書即位不書王不書正所以

次足写車公告 變也故夫事之所由變而十二公之得失盖可親矣亟 復閥官克淮夷詩之所頌春秋缺馬而所録者皆事之 專在我矣至為我而特書者常事則不録所以修泮宮 善否交乎列國之往来凡因我以立文者其示義固不 於伐邾而舍盟蔑之信貪於得祊而忘許田之失始黨 震電曰雨雹所以正我之慢時也春秋青我之備盖如 此哉通一經所書大而關乎王室之隆替係乎霸政之 面曰新作南門所以正我之厲民也曰大水曰螟 曰 秤編

荒刻桶則侈心肆此莊之不能克己也養慶父之禍而 巫之變也拾許田而遂鄭黨納部爲而成宋亂強則屈 駭而伐鄭伐宋之師復擅乎公子暈此隱之所以有 之所以取彭生之禍也會齊廢復讎之義納衛有獎叛 兄弟之倫而天理隳終瀆夫婦之分而人欲縱此桓公 己於齊鄭宋衛之間弱則肆志於滕杞曹都之君始逆 宋衛以仇鄭而終挾齊鄭以惡宋入極之師既縱於 /謀圍邮背同姓之思追戎改夷狄之侮觀社則國政 無

勤民之心四不視朔而無自強之志處父厭盟則辱於 次之四軍主書 晉朝丘路盟則辱於齊此文公之所以安於翰政也 至都之肚此信之所以不得為全賢也三書不雨而無 夏盟而即楚則有從夷之罪先晉室而後周則無敬君 田求婚君大夫奔走無軍日以為媚齊之謀不會于扈 不盟于清丘而無事晉之志一逞於兵則伐莒伐都猶 之節須句之功不足掩升脛之辱取殼之師不足以洗 不能除歸季子之賢而不能任此関之不能保國也棄 秤編

侵我者四則隣國交爭之禍起雖享國之長倚重於晉 三卿專政之形成齊人後我者七都人後我者二苔人 掩背華之實此成公得不救失而不知具非也仲孫之 丘之唇如京師似可以求尊周之名而會盟于蜀莫能 能免二鄙之侵而十年三朝三聘于晋不能止沙隨若 未已也而伐莱伐杞一 用事者五叔孫之用事者十有四季孫之用事者十則 而取根牟此宣公之所以無良圖也四卿得志於齊僅 放於利則取向取釋猶未慶也 次足四軍全部 之作而借典其改實玉大弓之竊而分器莫之保惛於 以明三綱之序如晋至河而見却則無以為託國之謀 女樂而政歸強家此定公所以有聖人而不克用也五 乎季孫而隨費邱之都雖僅能明禮義之治姓門兩觀 昭公所以淹恤於乾侯也會于夾谷而歸齒陰之田行 築即囿則民力竭於公蒐紅蒐比蒲則戎政歸于下此 牟夷之叛則非所以為臣下之訓取同姓之女則非所 而己階削弱之端此襄公治實生亂而不悟其變也納 秤縅

妆而無御下之綱也當時齊晉圖覇常以得我為重我 靖者亦有二其家法不設而無正始之道也其君政不 大夫猶多識文獻典章之舊也而所以國多變故而 以猶賢於諸侯者有二其君猶知以禮而自守也其卿 弱不得與齊晉大國齒而僅肩隨陳鄭曹衛之間然所 夫我雖東周公伯禽之法守四代之服器其實衰微削 之與事吳以結非類之好此哀公所以基道越之辱也 伐邾而勞師于外四城邑而疲民於內伐齊以離中 函

金がり

次定四軍全書 時祭是所謂其君猶知以禮自守也减信伯觀魚之謀 及楚處為申之會法心產焰震搖諸夏誰能過禦大侯 盟僅以微者會陽穀之合天下莫敢不至矣亦以公子 從者盖遲遲二十餘年野之首會姑以單伯来幽之初 之向背乃列國之所觀瞻齊桓始合會盟我之不肯輕 自安也宋襄以非禮召諸侯我堂堂而去之若将况馬 友在盟至召陵以後始堅於事齊而齊未得我則莫能 伯雖心知其不可見勉虞至而我獨從客退避解以 絲絲

章之舊也此我之所以猶賢於諸侯者乎自桓公不能 刑于文姜而召二國之患莊公不能防開哀姜而遗再 能備春秋易象之文是所謂其卿大夫猶多識文獻典 君之禮太師氏之樂不失二南二雅之章太史氏之書 師能道先王盟府之命季文子之逐苔僕能識臣子事 之訓曹劇觀社之謀能明朝會征伐之典侵喜之退齊 能陳軌物法度之言减哀伯取鹍之謀能開禮樂文物 世之禍共仲則通哀姜而賊般弒閱襄仲則私敬嬴而

以後哉是所謂其兵柄不以而無御下之綱也此我之 改定四車全書 人 善政所存者僅如此而末流之獎又復甚馬或曰我 久矣魯君世從其失季氏世脩其勤民忘君矣况哀定 父襄失權於宿豹的失權於意如宋樂祈曰我君喪政 失權於暈狂失權於慶父文失權於仲遂宣失權於歸 所以國多變故而不靖者乎吁以魯積累之徳其遺風 四君矣政在季氏三世矣晋史墨曰季氏二諸侯為日

殺惡及視是所謂其家法不設而無正始之道也自隐

蔡何以始乎同姓昔者蔡侯嘗爭長矣苌引曰蔡叔康 身自反而趨於善豈造端者之過敷 于册者惟六公行事缺而不備春秋之盟同獎宗國豈 之長而春秋乃甚畧之何哉祭十有二公而獲以卒書 权之兄先衛不亦可乎則察固宗盟之長也察以宗盟 弱也尊尊而親親此後世不能與時消息而裁於中脩 固置厚薄於其間盖蔡以神明之胄其專於事獎而不 序察世紀

蔡則楚之始終用事者皆以蔡故也齊晉之伯其始事 皆以楚之故楚之始事録于經曰荆敗蔡師于華以蔡 事録于經日蔡遷州来圖避楚也則蔡之始終不請者 侯獻舞歸楚之終事録于經曰楚子陳侯隨侯許男園 蔡之始事録于經曰蔡侯鄭伯會鄧始懼楚也祭之終 蔡之城食而中國消長之形判楚強弱之端皆可尋矣 蔡敷夫蔡事雖畧而聖人盖備者其始未爲不獨係 反者幾三百年春秋用夏正夷以夷變夏此其不足於

盟諸侯神至而蔡獨不附凡判楚之撓敗王畧諸侯莫 **貳中國最甚而中國亦無力以及蔡凡中國之糾合會** 楚愈堅而蒙楚之害愈深察遠於中國而疎於中國其 夷夏之世變不可不察也大抵察邇於楚而親於楚事 始終用兵者亦皆以蔡故也原始占終則蔡固有關於 從而蔡獨先與方蔡宣桓二君之從王伐鄭則猶脩勤 事録于經日會子召陵侵楚以蔡之請後也則中國之 錄于經曰侵察遂伐楚盟于召陵治察之黨楚也其終 沒晉文未與楚成抗衙北方察是攝是賛十九年楚盟 以来五年兩被判師哀侯家塵不返其臣子不能告於 **囤潰而無從夏之志齊桓終不得致終于盟會齊桓既** 版之深文由是漁然與中國離矣齊桓稱伯察僅一 北杏之盟移莊以後行李不至贄幣不通雖召陵加師 同盟厲復讎之大義乃甘於向楚釋戴天之至怨納肘 好也伐鄭伐戴伐衛則猶同諸侯兵車之會也自敗革 王之職也會于鄧盟于折會于曹則猶交諸侯玉帛之

欠二日巨 八吉

秦 何蔡莊身自背之晋文即世無復向晋至文十年 厥 藏在 周府列國皆能道之則察之子孫世踐舊盟可也 貉之次遂執干戈挟楚穆為窺宋之謀十五年晉卻缺 討其不與新城之會蔡雖倪從城下之盟貳晉如故也 改圖晉之三會眶勉問旋践土載書曰晉重耳祭甲午 而反忘其餓楚者而昵楚哉城濮之戰楚既大割察始 齊則蔡復偕至二十一年楚會孟則蔡復偕至二十七 年楚園宋則蔡又偕至何不移所以事楚者加於事齊

多分でたるる

一於與楚成六年樂書之師方涉察都而楚申息之師己 公得陳鄭而力已疲矣所以好置察於不問晋平之世 蔡之大臣病於楚令之不常将改事晉以利蔡可謂忠 火之可見上 計矣當時反曰異謀誤國謹而殺之夫祭之君臣陷湖 陳相率事晉矣祭且安於楚之字下襄八年鄭人以晉 至祭自以附楚為良圖也晋慎之與列國竦馬如鄭如 文公方謀事晉畏楚不得行而卒景靈不紹文志反堅 命侵察獲蔡公子燮而楚復興子囊之師為蔡讎鄭惇 押編

楚子蔡侯伐吳滅頼又書曰楚子蔡侯五年伐吳又書 曰楚子蔡侯蔡楚之相得未有若靈公之甚也閱六 年 篡裁之惡懼中國之討事楚最謹昭四年申之會書曰 莫之敢抗則祭非不能有隨北方兄弟之國也靈公員 蔡公孫歸生首以楚獨攘臂於列國大夫之上而陳鄭 無以自通於夏盟然宋號二會晉楚各以其從交相見 於黨楚而不反也或謂蔡在春秋中世國勢單弱剪馬 於從楚去順效逆不知其非而反以即華為悖宜其錮

金分でたろう

而楚子誘殺靈公子申矣以為未快也又刑其士七十 2x.17.01 1.15 廬以棄疾之命復國則蔡之存亡廢興皆宅命于楚中 蔡不能振旅反使狐父平辭請蔡于楚楚虔方張晉既 從楚之報乃如是哉晋昭公大合八國于殿怒将以救 之謀自以事楚為百世之利豈知君毅國夷家嗣俱屠 矣蔡之蒙禍亦未有若靈公之極也方蔡人誅公子燮 人矣復未足也而用隱太子于岡山矣滅蔡以封棄疾 不能弭察之難楚虔既陨晋又不能復察之祀終馬蔡

遭三年拘郢之辱沈壁以絕楚質愛子以請晋志情而 氣激使中國有伯而加惠於蔡仲義於楚則蠻判無奸 也蔡何國之為蔡昭抱累世之憾復以一表一佩之微 劉定四庫全書 夏之風中國無從夷之變矣召陵之役晋人求貨而辭 君立君國之大事而焚之小臣得以制之是楚之鄙品 耶流涕而枕戈猶以為晚也掩耻事讎則人道滅而天 國安得有之乎祭廬以隱太子之適嗣 岡山之痛獨忘之 理紀矣祭朱東國之廢置專於實無極之一言夫廢

殘以及公孫翩之禍迄春秋以後蔡終為楚所并盖蔡 江汝之間察之傾覆是懼謀徒州来哭墓而遷君臣相 憂未已是以哀元年楚復園察使蔡人男女以辯殭于 戰入郢之師遂使蔡人假手于吳以釋憾楚禍雖深蔡 察諸侯侵楚之師不出而楚人園蔡之師及至栢舉之 次足四軍全書 有如蔡之附楚不變也然蔡之五禍皆楚實為之楚文 不止也夫以中國諸侯雖有即楚者犧牲待於二境未 之依楚猶應豕依於餒虎之側将以求安其不噬醫馬 裸維

學諸草木吾臭味也夫豈不欲從諸夏之列而晋之力 勤我也然觀察文公欲事晉曰先君與於踐土之盟晉 蔡之自絕于中國調楚之險可怙而齊晋之不能朝夕 般祭嗣常絕則察之禍二也費無極逐察候朱則察之 不可棄且兄弟也蔡昭歸野質子之際謂决於奉晉矣 于江汝則察之禍五也故察事楚愈堅而蒙禍愈深也 福三也楚子常執察昭于郢則蔡之福四也楚昭 遷蔡 之執蘇舜祭國十年無君則祭之禍一 也楚靈之殺祭

合うロス

飲定四軍全書 以及蔡也昔者周公书蔡叔之不成其封蔡仲之命曰 此晋之失蔡三也故曰蔡貳中國最甚而中國亦無力 奪盟取怨無損於楚不如解察侯反以後沈遺察之患 平丘之會察廬失國晋無繼紀之誼中行移子曰楚減 亦未能有祭是以野之失祭者三欣然之會晋首吳曰 陳蔡晉不能救此晉之失蔡二也召陵之會晉省寅曰 子皮之行子産己知其必不能救蔡此晉之失蔡一也 不能救察物以無親己為盟主而不恤亡國将馬用之 .神編

之文紀以伯爵或降而書子秦以伯爵或略而從狄 曹者文昭之懿親向伯之貴爵也春秋書曹不見貶點 睦乃四隣以蕃王室以和兄弟使蔡人母荒棄周公之 春秋猶示假借於曹敷照曹之見於經自交乎中國盟 而夷狄懼則楚雖獨大又何畏乎 訓拾閱墻之爭思外侮之祭兄弟和而四隊睦王室尊 伯爵或斥而稱名獨曹得始終稱伯辭無所變豈非 序曹世紀

欠とり直とから 者六文公與會者五宣公與會者八成公與會者十九 改曹國之始未矣其事夏盟最謹其與諸侯甚睦不得 早弱不能自立此曹所以不得詳録也春秋陳鄭妃薛 會之外曹事之特書者缺馬或按公羊調曹無大夫殺 離一合而曹之不從者寡矣昭公與會者四共公與會 之邦其後會盟有常者未能如曹方齊晋主伯小國一 罪於中國此曹所以無貶文也其國家處於僻陋安於 梁謂曹為老師何春秋又以曹為不足録而簡之那當

會宋者三曰曹人致飯禮也曰曹即位而来見禮也曰 之謹則守義而可久與諸侯之睦則得道而多助然姬 與諸侯之甚眩矣其不得罪於中國者此也大事夏盟 自伯國會伐之外未嘗敢一稱師以報復於列國可謂 執者二宋園者三宋伐者三衛伐者二齊伐者一而曹 五年而再朝禮也雖更蒙齊晋宋衛之師晋侵者一晋 武公預會者十二悼公與會者二聲隱二公與會者各 可謂事夏盟之最謹矣其會我者二其朝我者五其

金石四月月十二

ていりられ ハナラ 是曹之病於我者然也曹共公雖以楚方得曹之故晉 鄭而晋之終不得行於邦者最爾之戎乃得加之於曹 曹本千乘之邦國亡家失我得亂之向也宋之求多於 之在列者曹獨先亡不及春秋之終其故何哉益曹以 宋自曹莊公既殁戎實侵曹於是羁以戎出亦以戎歸 曰曹嘗病於我又當病於晋而其先亡也始終實成於 文實以私怨行馬既侵其國復執其君又分其田終歲 僻陋之習早弱之政不能自立非一朝一夕之故矣或

在公以齊命會伐宋遂為宋人不釋之城夫伐宋非獨 舒定四月在書 十五年宋人伐曹傅曰討舊怨也且敵惠敵怨不在後 禮也至曹人之請成公猶憂憤不已曰若之何憂未弭 汰心執之既列諸會而復重其討二年而始歸自京師 而後得復國曹成公雖以殺太子自立之故晉厲遂以 觀曹使侯孺貨盛史以請共公曰合諸侯而滅兄弟非 而又討我寡君是大滅曹也是曹之困於晉者然也自 曹也而獨仇曹之深以曹在宋之字下非他國比僖

曹畏宋必不来曹以逼而素畏於宋宋以強而求多於 豈曹之有罪乎至曹伯陽之表宋景用師益與哀三年 書宋樂髡後曹六年書宋向樂後曹七年書宋人園曹 齊之役曹南之盟曹既從而會矣何不服之責乎宣三 嗣何怨之可討乎僖十九年宋人園曹曰討不服也伐 欠之可且 白色 至卒以吞曹盖曹偏於宋其来固久申之會鄭子産曰 年宋師園曹傳曰討武氏之亂也武穆之亂宋實為之 八年書宋人入曹以曹伯陽歸矣夫六年之間宋師神 禅編

能圖之而宋景遂得滅之哉春秋之道正本而明微反 變僻陋之習則曹叔振鐸之澤未泯也豈我能病之晋 曹不及并吞寧有已乎是曹之先亡然始實成於宋者 於春秋嘗觀諸詩矣蜉蝣則刺昭公好奢而用小人無 禮之不立偪而必傾非獨宋景之罪也曹之衰政不詳 之言曰曹其先亡乎偏而無禮夫禮義明則國不畏偏 然也然曹茍能以禮義自強其國有賢者相與扶持稍 己而不責人謂國之存亡皆其自致者也善乎鄭渾罕

人已日華人 用而俾之盡致其邑與卿而不出曹伯陽感田弋鄙人 此曹亡國之階也夫曹之四詩而三詩刺其棄君子用 刺在位之無君子候人則刺其近小人而遠君子嗚呼 法以自守下泉則疾共公侵刻下民不得其所鳴鳩則 公孫強之謀妄聽辨言而亂舊政背晉奸宋而自取滅 乃三百人曹成公有子减為曹國社稷之鎮公子不能 以自强是以曹共公有僖貧覊之賢而不知而乘軒者 小人禮義自君子而出者也君子不用何以望其有禮 秤編

壤之大雖在叔世餘澤未泯尚為列國之望二百四十 春秋諸侯姬在列者獨衛後亡何耶衛以同姓之尊封 曹為不足錄之意也 陋 僻而空虚且亂其能有存耶至是而後深究春秋以 亡孟子曰不信仁賢則國空虚無禮義則上下亂國改 金グセノノ 介於齊晉之間偏而未至失國良有以也然禮義消亡 年間兵革之可見者最少賢人君子之者聞者特多 序衛世紀

处已四軍公野 大有足以自植立者販是時數大國之爭盟未嘗不以 以當晉之千乘入猶可以受晉之五伐豈非其封壤之 衛不得為次也未年衰靈之衛至無足道而其出猶可 初以鄭視衛而曰衛實難也成公之後以晋敵衛猶曰 於武父之南至於圓田之北實方伯連帥之地隱公之 尊可知也受三监之舊境分七族之餘民封畛土畧始 變故繁與衛之為衛亦有可得而及者吾觀魯用周班 而後鄭於衛晉人裁書践土而先衛於察衛為同姓之 辉綜

益其流風餘習尚存所以為列國之堂數乃若中國同 **麦稱伯于申而用名陵之典諸侯楚實有之矣衛獨能** 猶曰正也春秋之中越國之謀猶曰古也不特此耳楚 能以致衛其不輕於向背如此當春秋之始從王之舉 吳子在而諸侯莫敢不至矣衛亦卒晏然與魯而辭吳 從客與晉而卻楚吳夫差冠端于黄池以襲成周之籍 始能得衛晉文踵桓之迹舉動稍異而更五會之信卒未 得偷為重自齊桓首倡伯事盟會屢舉而十六年之勤

金いせんとう

外者季礼所為稱其無患者也靈公之世治宗廟則有 人治軍旅則有人治賓客則有人孔子所為稱其奚喪 公之世有事君不二者有能賛大事者有能極內而營 過數事非兵争視他國最少數名腳賢大夫其可稱殆 會者二十五靈公之與會者四自其後齊晉以有事於 不勝計東翟之人可為王官終蹇之士皆為忠臣當獻 兵革之外而稱師脩怨如伐鄭入鄉治曹剪邢之類不 好其不與者亦縣可數而惠公之與會者七獻公之與

灭之四重 全旨

钾紙

未亡固應有是宜其福于齊晉奔走于強令能披其地 武公之治衛亦猶周公伯禽之在魯其典故文獻隱然 書東禮之邦春秋之稱堂國未當不曰魯衛意者康叔 法未墜獨有以異於時兵争之少猶足以輯寧其邦民 者也夫其季世而人才之見於百執事者猶且若是則 人之多猶足以維持其國益魯衛之政兄弟也魯與衛 人才視他國特多數夫以尚德之親處成周之壤而家 干旄之賢臣淇澳之君子其稱于威時者抑可想也非 合うセイノニ

見者矣以三綱五常立國之本而論數如此衛之有名 火足四軍 上 而言男女夫婦者居三之二則本其亂亡之由抑有可 庶外也豫軍專制上下紊也鹪繁蒙禍兄弟垂也蒯 繁典故理世雖多而爭競不息立國雖久而根本屢搖 執辱其君臣而未敢以亡其國也雖然禮義銷亡變改 無情其杂豈一日之故哉昔之聞衛風者曰愛而不困 父子際也觀詩紀衛之風自項至文三十有八詩 剛州吁始福獎澤之變聲朔召繫行割並爭適

年為春秋之始及乎重耳以前凡六世矣按左氏晋之 争侯伯之列而書法之詳乃不得與鄭衛同自鄂侯二 師城夏陽是也晉以武穆之近親受陶唐之與都預冕 晉之為國舊矣入春秋逾六年昉見於經僖二年書晉 吾開衛康叔武公之德如是是其衛風乎吁豈非康叔 武公之澤源流深長必至于夷陵極盡而後衛從之敏 不然則孟子所謂無禮義則上下亂衛之後亡幸爾 序晋世紀

春晉侯朝王晉侯使原莊公逆王后于陳僖十一年晉 東書係載至繁非無可係之事山尚之東遷曰晉馬依 九七日華上日 殺之八年春滅異冬王命立哀侯之弟洛于晋莊十六 改諸傳二年春曲沃伐翼七年春曲沃伯誘晋小子 侯 年冬王命曲沃伯為侯此非變端之可紀數莊十八年 十見不過執城之暴誅就之惡我放戰伐之辱而己夷 非無可録之功也武公代與事故輕輕非無可紀之變 也春秋皆略而不書八十餘年間雪事之存于經者僅 組織

之當係數里人作經何削之如是其嚴春秋之法所以 子孫像之遂有里克之亂申生之禍君臣父子不能相 傾宗國東周刑政不行反加罷命勢倫攸数人紀何觀 代一王之賞罰存萬世之綱常曲沃滅翼文孽之追軟 晉作爰田冬晉侯歸自秦二十四年秦伯納重耳此非事 閔元年晋作二軍二年 晉代 奉落氏僖十五年哥作州兵 侯平戎于王此非其功之可録敷莊二十六年晉城終 保由傳及經則知聖人微其事而不書存其惡而自著

金グセグノー

君大夫不交子盟會葵丘如會不至而還晉以不義得 以盡見矣武獻為國非不盛也當齊桓九合之時晉之 事之非凡冊人之悖理傷道春秋客之者觀乎國風可 不安而極道其愧惕之情杖杜采苓等詩無非刺其行 威強著行而曲致其隱傷之辭無衣則者武公之并國 献之事不足録乎春秋也故詩特詳之椒聊則言沃之 耳而后咸闕馬盡詩與春秋詳略互見褒貶自章以武 換亂反正之道反獲晉事而可睹及觀列國之詩自重

たんりいたとか

稗編

僖二十五年晉侯朝于王城無以異乎朝王所也昔園 晉事不著乎春秋者聖人扶人紀存綱常之法也二十 許原無以異乎遂園許也皆不得見干經重耳入國雖 遂能駕楚世主夏盟然重耳復國之,初經猶未之錄也 秋與隣禮樂之事曾無聞馬至于重耳之伯而後改物 正未受天子之命亦猶武公耳故僖公二十七年以前 國方新歉欺乎懼人之有辭于已也是以阻居深山戎 八年以後晋事詳列于經者聖人憂中國録伯功之例

金のセカノニ

然鄭在隱桓之春秋王室之罪人也在莊僖以後之春 觀春秋之世變于鄭益可睹矣鄭之為國邇於周圻而 といりはない 其後也一向背而關夷夏之盛衰鄭盖春秋要領之國 人也觀問桓公言於王有曰我問之東遷晉鄭馬依王 秋伯者之罪人也在襄昭以後之春秋當時諸侯之罪 介乎齊晉之間方其初也一舉動而係王朝之輕重及 序鄭世紀 柳編

戒當是之時列國兵事多未自見莊公以詭誦之雄日 春秋以来未有言克其弟者而克段之舉始冒周官賊 端鄭疑未有罪于王室也然由君子之論夾輔之績不 爭尋常以盡其民盡未足論也而滅天倫襲王法之大 之禁未有言歸人邑者而歸初之謀始犯諸侯專地之 親之刑未有言伐人國者而伐衛之師始蹈敵國相征 足以贖交惡之誅綏定之勞不足以掩敵戰之惡况入 子朝告于諸侯之解亦曰惠襄之難則有晋鄭成出不

金ガロルと

歌定四庫全書 一 程泉之盟城虎牢之十載始是勉聽命于蕭魚之集以 非傷之後王政既微矣堅事伯主以蕃王室是猶愈於 尚屋新城之圍是何邪又况戰城濮之明年遂敢於背 回晉實不德而盟幽未幾正有鄭詹之執會召陵既退 之所以失鄭必不復從是哥景之所以不克爭鄭恭林 事楚也而鄭之君臣念不及是借曰私不振旅是宋襄 之役伐而不從猶曰晉實不競鄢陵之役勝而不復猶 者皆的於鄭馬以先王之禮考鄭豈非王室之罪人 棉編

楚者二十餘年自是晋楚俱弱無復力爭之事矣鄭宜 為哥楚無德求者是與則悼公五會之信非楚敬矣鄭 為晉楚之間強令是從則文公一戰之威非楚匹矣以 有以立國而附齊衛抗晉宋終嚴勤動迄無所成考其 日與鄭夾輔周室母廢王命以先王之訓律之鄭又宣 也告成王命太公曰五侯九伯汝實征之平王命文侯 何難於背楚何易於棄晉若是耶是則從楚者鄭之欲 伯者之罪人乎然襄昭以後宋盟申會諸侯属於晉

段定四庫全書 晉范鞅之亂而大夫為鐵之役以助鞅是舉鄭國之政 後矣末年宋公子地之叛而大夫為老丘之後以與地 殺而殺有罪者予之諸侯無外討而討有罪者善之絕 為大夫之所專制鄭益相視而莫相致也然諸侯無專 補獎支傾任忠力斃強仍以敢鄭之亟亡不待數世之 索甲以爭室之不暇問為盟以專改而不能禁非子產 於子孔子孔誅則移之於伯有伯有誅則移之于子哲 |一國之政乃冥冥轉移於七穆之手益子腳之專移之 钾絲

虚無禮義則上下亂鄭胥有之矣渾罕曰鄭先衙亡個 皆刺其失婚姻之道無宝家之節夫不信仁賢則國空 者欲後亡得乎抑皆觀之詩鄭風二十有一篇清人而 終於下抗中於背華即夷無一可以為保民長世之道 而無法以經及之鄭之先亡宣真無法之罪哉 以春秋之法則鄭又豈非當時諸侯之罪人敗夫以二 下五詩皆刺其不能遠小人而用忠賢雞鳴而下七詩 百四十二年之鄭君臣上下相與誤其國者始於上陵

文色四本文書 一 諸侯之睦春秋本有書國君會整他國者而書滕之會 於膝者必有意也膝事不詳於經其本未可及者才五 稱爵而沒其名其後稱名而貶其爵是果何耶夫宿男 膝地不大於都為民不衆於紀薛而以文昭之懿成受 君爾其與諸侯之睦事伯主之謹猶可緊見也何謂與 不名以為微之紀侯段爵以為夷之春秋之所以不足 侯爵之顯封當隱桓之春秋睿以侯書于經矣然其始 序滕世紀

使可謂睦矣何謂事伯主之謹方齊桓之伯滕之會盟 支之繫而二百餘年間勝獨無稱兵修怨之事其與諸 者五自曹莒邢邾之小國其爭城爭地告嘗從事於干 事也自景厲以後凡晉之合諸侯一則曰滕之大夫皆 世勝不一列於會意其國小而福猶未能數從諸侯之 者一宋襄之伯滕之從伐者一晋文之伯迄于靈成之 于魯者二木有書國君朝於小邦者而書滕之朝於魯 會故文之會晉者一成之會晉者十六悼之會晉者三

一人とい事と書 誠有罪矣不省其德而執其君不於其禍而園其國不 滕曰討其不服父也宋文之園滕曰討其不事父也滕 之個於宋畏於齊楚其不能國亦勢使然也宋襄之執 也而春秋之不足於膝果何意耶以其國之亟亡耶滕 輕睦而膝之無爭於諸侯無惡於伯主宜未得罪春秋 未能一意於中國之好而六七十年間勝獨無盟之不 與無會之不從則其於事伯可謂謹矣春秋惡爭關重 頃之會哥者一自陳許察鄭之大國其一從一造往往 钾绿

國皆在而滕之不至曰以齊故也申之會四國不来而 惟畏楚而亦畏齊是不特文之世為然耳自威之會七 宋則不惟是宋而又畏楚當以聞薛築而恐於齊則不 滕文公曰滕小國也事齊乎事楚乎故當以之楚而過 周之城仲錢以為滕宋役也非其逼於宋者然數異時 然則松栢之下其草不殖滕之函亡非滕之罪也然滕 滕之不敢不至曰以楚所及也非其畏於齊楚者然數 幾乎無道行之乎至於宋之盟叔孫以為滕宋私也成

金グピュノこ

一次全四年全替 一 · 元先世之餘澤一切淪胥於夷狄而不見則滕果何所 来久矣是以國君無名用狄道也會朝稱子用夷狄也 界之不正循目僻陋是不一世則典章文物之廢壞其 典禮之己秦與薛爭長而班爵之己處丧紀之其行經 無禮滕之與改雖不可詳然自春秋之初于魯旅見而 持其世哉今觀渾罕之言乃以滕之先亡亦出於福而 |之函亡則亦有其故矣葢滕文王之子孫與魯衛兄弟 也故家遗俗流風善政寧無一二之僅存可以保國而 秤編

有シャノノニ 無禮以固其國至於速亡是春秋之不足於滕也宜哉 恃以立國乎夫以滕之壤地編小介於数大國之間而 **稈編卷十七**

欽定四庫全書

子部 **科编卷千八**

詳校官中書臣實 主事臣祁韻士覆勘 總校官中書臣朱 校對官檢討臣郭 鍅

燈録點生臣許祖懷

寅

鉩

欠己日軍在島 夫雖然列國之事減人 國之 自取也夫那周公之後當為 經書衛侯殷減邢衛之罪 罪易見見滅者罪難知春 大之則形衛之宗也而衛 唐 顺之 琪 後同 撰

金石セガイニュ 於衛那獨無罪乎觀春秋書那之本末而求那之所以 秋之法端本而後治末正已而後責人則書那之見減 |實為主乎代衛是不量力矣衛以文昭之親邢則兄弟 政以邢伐衛是不度德也那最爾國而衛為大邢之盟 之三此罪之在衛者也何謂那之罪那方無道衛有全 稱有道之君而以私怨殺國子挟詐以掩人之不疑罪 罪懷怨以謀人國罪之一伐本以滅同姓罪之二文公 亡則罪之在衛者三在邢者五不可不察也何謂衛之

一次已日東台与 役實始於宋釋顏之城宜不在衛而乃合宋以治衛是 平衛之滅形其為然也不亦宜乎是聖人所以書形之 婚姻無胥遠矣民胥然矣那之役衛其為反也不亦甚 滅形豈直衛侯之罪哉詩云蘇縣角弓翮其反矣兄弟 邢之亡則罪之尤大者數觀罪之在那者如此則衛之 其世仇而同之以後國即夷謀夏所以深衛之忿而速 之那不知比衛而始尋師以修怨是不親親矣伐齊之 不察有罪矣是雖均之為罪然豺狼之人非我族類忘 秤編

全なんでんろう 意 序同姓微國紀

周家封國八百同姓五十逮乎春秋之始才二百四十

年爾而周之子孫抑何其基徴耶小國弱兵介乎強國)間僅岩黑子之著面而地大民衆以臨最爾之國奚

盡之虞號焦滑霍楊韓魏皆姬姓也哥皆兼之然則周 **啻齊牛之債豚故部畏魯東齊迫燕弱漢陽諸姬楚實**

之子孫爲得不日失其序乎嗚呼齊楚之人校馬思改

姓無甚弱小之國矣宜可以久立而卒之脏脾分披不 |垂五六百年而未亡春秋以後小并於大弱并於強同 比弱同姓無甚強大之國也宜若不足恃而脉絡聯附 封疆至於芝夷并各固無足怪而同姓大國恃其強力 久足马奉 在書 道豈可誣哉豈可廢哉 能一二百年而天下無復周之子孫終至於此則知先 亦往往自尋斧於本支何耶吾觀先王之時大比小強 王大封同姓之意小大相維之制所以為保民長世之 秤編

春秋諸侯迫於從夷者陳蔡一也春秋書蔡事為特界 於胡公之陳是何耶陳國於别河之地實通強楚而遠 蔡尤詳馬聖人不少假借於宗盟之長而獨未深貶絕 其始末可見者六君陳十二公悉著于册稽其後事視 金とくでたろう 齊晋其行於荆蠻或者非其誠得也試考之經共靈以 陳之堅於事楚大抵不得不畏楚中國之易於失陳亦 前陳之事中國者十九成哀以後陳之從中國者十 序陳世紀

次 之四東全書 晉人之討非共靈以前陳之事中國者常十九數自少 會猶列陳子由宋襄之暴陳始從楚而會盂之後遂屢 三濟塗雖執而首止之盟猶列陳侯稷公雖卒而温之 准其從齊者九晉文之伯自改上以至程泉其會晉者 |後鄭猶借之諸侯兵車之會齊桓之伯由盟幽以及會 鄭猶修勤王之職盟折會稷猶與諸侯玉帛之好後衛 往往自有不能以有陳爾何者陳在春秋之始從王伐! 動楚人之兵晋靈之懦陳再與楚而棐林之後始済勤 紹紹

|戍陳固悼公之勤陳也以會城隸以謀陳又悼公之勤 蜀之役借曰竊盟而鷄澤之集奚復後會乃至會戚以 於與楚何耶異時歸黃于陳惟曰楚故戮二慶於陳亦 振旅宋魯不得以實清丘之言於是陳始一意向楚矣 西之難晉不討罪楚遂得以專辰陵之軟必之役晉不 是贊會申會號惟楚是從甚而陳之滅陳之封亦惟楚 惟曰楚故招之放過之誅亦惟曰楚故伐鄭伐吳惟楚 陳也而園頓之師雖當勇於從晉而逃鄰之行乃尋決

· 次定四車全書 ■ ## 陳陳近於楚民朝夕急能無往乎於是不沒有事於陳 大抵中國之不抗於楚其說常有二馬志怠者不能為 事乃亹亹相繼於楚晋爭衡之日則亦可以求其故矣 爭陳之迹曾不緊見於齊晉方威之時而陳之從楚之 則又移於從吳終春秋一世獨召陵一會暫從于晋他 無聞馬非成哀以後陳之從中國者常十一歟然楚之 命是聽益無異楚之鄙邑矣末年夫差爭怕陳不從楚 力弱者不敢為吾觀范宣子之言曰楚人改行而疾討

夫哥君方明六卿無缺不能張其威以治楚而安於弃 為周建國行於蠻荆亦可以察其情也兹春秋所以書 抗楚晉弱孰基馬由是觀之陳之不得以不畏楚往往 陳晉怠孰甚乎中行移子曰不能救陳又不能收察是 偃師家禍國內無討不能明大義以懷陳而其餘不敢 以無親晉之不能亦可知矣於是始欲舎陳而收察夫 陳之事猶異於蔡而不至於甚畧之叛雖然陳之所以 亦中國之自不能以有陳也明矣是則陳以神明之後

卷十

大色日本 上 易也荆楚雖大何畏乎 楚衛偏於哥曹滕個於宋而渾罕皆歸谷其無禮使陳 即夷之為恥哉曹滕畏齊楚而孟子告以為善祭偏於 字下立國如此果何惟其奔走於強令而不自知由夏 政見於經者不一而詩之所載尤深切著明馬濫陳風 人不失其治國之道而無根本先撥之意則國無不可 九詩言君臣上下之淫亂者也以養爾之陳在判楚之 自立其國者果何如也夫禮義茍明國不畏個陳之弊 秤編

春秋之法中國而夷秋者夷秋之所以辨內外正名實 也吳以泰伯之後或敗而稱國楚以能緣之後或點而 序杞世紀

之者爾把先代之後而即東夷豈非東周所甚貶敗然 書州晉武穆也而或挈晉鄭属昭也而或挈鄭凡以狄

致之經 把之書子者二侯者三人者五伯二十八筆削

褒貶岩無一定之法何也以為時王之所予奪與則是 征役禮樂猶出於天子而不為東周矣以為因魯史之

えんのはんなか 祀而謀之則其國国於夷可知也一入于魯而因以求 之為國信於莒困於夷自桓公以前獨與魯好孝公以 |把故縁陵之城諸侯泣至亦為謀把故凡以淮夷之病 之取見陵於莒而曲池之爭借助於魯夫伐而不敢怨 |後始從晉役亦該所謂義爾國也何則春秋之初年妻 傳者無所是正矣聖人之且進且無者豈無意即觀把 記無所增損數則是進退賞哥無假於聖人而習讀聞 乃求好馬是其偏於当可知也鹹之會諸侯盡行為謀

景公之伯亦僅能致杞於三會而悼公以後從于盟者 一班之好相接於再世赴告之禮不替於七君益後乎極 成再朝于會而繼以蒙討君之朝者六子之朝者一 其與四國離合之故雖未免於畏偏而周旋於隣好奔 之後遂能偕列國以與王益前乎孝公亦未易定也考 走於伯今猶未至得罪于中國是聖人所為不盡貶於 公則無是也乃若晉自文公之伯猶未嘗勤杞於一 八從於會者十有五部之次遂能舉偏師以座伯成局

金分世人名言

一段定四車全書 一 至處亡魯周公之子易象春秋卓有可見紀亦先代之 夷之為奶尚能識官制之遺宋先王之後賓祭之禮未 婦於魯婚禮失矣述喪于魯喪禮好矣先代舊章無一 平左氏曰祀用夷禮益其習夷久矣試觀諸經自莊信 嗣者老之賢文物典章之懿柳亦當有一二之足徵者 人實深惜之當春秋之季微之小都猶能誦成王之雅 以来會于洮而室家之禮廢朝其子而朝廷之禮奈求 **杞數曰非也杞先代之後而即東夷文獻之不足徵聖** . 稗

紐哉 伯書子書人因其善惡而著之春秋之法行聖人之情 見矣不然杞以夏用夷春秋昌為不直夷之而且進且 献可考猶謂國有人乎春秋不貶之則即夷也不可以 宋先代之後也春秋書宋之事常多假借之文若外災 不書而宋獨書外異不記而宋獨記凡以異之也列國 不敗遠起而絕之則為先代之後不忍絕也故書侯書 序宋世紀

一次之四年全書 一 衛民不九於齊晋謂其兵爭之少無得罪於諸侯數則 爵諸侯之尊歟則州公郭公皆得稱公並不宜獨與宋 聖人之後數則春秋非一家之史不宜獨私宋也以宋 |尊之也亦至矣春秋所以孝孝於宋者果何意哉以為 郭二百四十二年之中獨宋嘗書公以别於諸侯上其 也然則謂其封壤之大有加於列國與則地僅比於魯 會盟自陳以舜後而當後於蔡杞以夏餘而曾不先於 仇衞敵魯抗齊陵鄭治滕虐曹干及之事殆無異於他 稈編

漬貨以改鄭之戰連殤之聚轍者正也納朔以抗王人 居正之義故爭國之謀基宋之禍移也以除害而惡鄭 以阻兵而黨衛成務之亂殤也挟同惡以成稷之會志 以倡從齊之謀遇梁丘以固輔齊之好無役不從無盟 之命黨齊以稔善隣之仇優殤之危禍者関也會孔杏 公從伯之善不足以盡即夷之非的公去公室之惡適 不在此桓之以僅稱贤之也襄公圖不終其事淺矣成

國意具有賢君之多能不替其先代立國之意數則廢

欠己马奉在時 景公不能室其私罷故向雅故學入于蕭也反覆十二 自彭城也元公不能制其大夫故華向兆亂由南里也 僅有之善旋亦失之何則春秋之季不令之臣專禄周 意乎益其故家遗俗流風善政考之春秋未盡忘也然 君之行事亦未有可稱而春秋所為拳拳於宋者豈無 猶不能弭其駕宋之鋒平公不能強公室故魚氏始禍 猶不忘從楚之好共公從列國以盟楚雖與晉四會而 足以稔堅氷之爨文公因國人以有宋雖與晋三盟而

於荆楚百年之餘屈於強吳則典章亦秦寧復古常甚 能明君臣之訓人才之賢無復齒伯異時六禮之獻委 物之者見亦庶幾無泰於前哲之舊謂其風聲氣習泯 賢稔於隣國之間向戊之良 卓為諸侯之選孔父之義 旋何國沒有而一時諸侯猶曰於宋曰觀禮也御說之 金分でたろう 無可稱固不可也然自司馬不能勝子弟之讒右師不 子哀之請此然衰世之俗皆有以取貴乎春秋則其人 至大心不輸王栗仲幾不受晉功則宋人之故為諸臣

者盡忘之矣彼在當時之諸侯猶類也曰宋殷之後也 22.19.50 1.50 其崇先代之統重三恪之實意如此其厚也宋之子孫 而命之以書一則曰崇德象賢也二則日率由典章也 篇之未果何說也思告成王建微子於上公以尹東夏 聖人刑詩权拾散亡之後而猶必存其頌聲於三百五 而改之益自微子至於戴公其間禮樂廢壞亦既久矣 然春秋之所為拳拳於宋者必有意也常即商頌之序 日宋周之客也吁宋之為宋文獻之存者能幾何哉雖

桓公事已詳伯紀矣前乎桓公則僖公有與伯之志而 夫子嘗數之矣於宋何取乎 王澤之當續是則春秋奉拳尊宋之意不然文獻不足 觀哉先儒論聖人存商頌之意以為著三統之相承明 於冥然而不繼軟一代文獻之美宣至於蕩然而無足 能修其禮物以率先王之舊則成湯武丁之澤宜處至 齊太師之後受地于王方五百里者東方之國莫大馬 序齊世紀

到完四月全書

|未成後乎桓公則景公有嗣伯之圖而不遂僖公之初 次之四軍全書 一 秋之世常為諸侯之雄靈公以来怙其強大頗為夏盟 號東州之小伯未有參盟者而僖公參盟于瓦屋未有 合是亦僖公積累之勢而強於為善規模之成則非僖 骨命者而僖公胥命于蒲諸侯稍稍宗向之矣桓之九 之梗錐以骨悼盛時會同之間皆以大夫世子而齊君 不出駁駁有逼晋伯之漸景公繼之嗣伯之圖迄無所 公前日比也桓公之業雖隳乎孝公而齊之為國終春 秤組

請封殖益厚王於南郊謀迄遂始基禍舒州之事常繼 之故矣春秋端本澄源之法固不專咎末流也使齊之 政強家卒之至姜弱媯昌國遂隨之然亦非一朝一 莊公之難堅水已形玩忽不戒失於改物襲其属階授 成反基削弱何哉當以齊國顛末之事放之景公親踵 之專然使人心未移則雖投陳氏以柄其敢居哉而齊 **稔亂齊欲不為陳氏不可得也是齊之微實生於大夫** 政權不下則國宣易量哉石門之敗姦執相尋高唐之

自叔季以来山澤之利盡守於國個介之關暴征於民 改定四軍全書 先樂高之亂不能正之于後是以景公象之内嬖孽子 法並奏匹嫡已無以示治謀之訓反比塞門已有以開 雖陳氏子孫日以厚利誘民民心豈易搖哉而齊之家 僭上之源惠顷之世私家已強崔慶之亂不能正之于 矣是大夫之專實生于人心之去然使齊之禮義素明 反之員約之無栗者盡子之陳氏欲無得民亦不可得 於是陳氏遂得以私售其濡沫之惠公族之無邑者盡 稗編

方去高止復專獨一晏子之賢問旋於陳鮑樂高之間 非義之舉哉而齊自惠頃以来任用益好靈公之政移 為國以禮道民以義人心豈至陷溺之深而為此非禮 陳氏之施抑不可得矣是人心之去又生於禮義之不 復知有是非逆順之理尊早上下之分欲其不歌舞于 於陳氏莊公之權委於賈舉州與則之景公之時慶封 以啟適庶之爭外助強家以紊君臣之義為齊之民不 明雖然禮義由賢者出使齊君出得賢者而用之必能

一次是四東全書 四十二年之間許男卒葬總七見於經大夫名氏曾不 **战齊之為國亦足以自亡矣** 欲禮義著明而人心不失其正抑不可得矣是禮義之 許在春秋不得為微國也春秋書許之事甚界也二百 食享之私力不能為則終於納政與邑不出而已然則 不明又出於仁賢之見弃及覆至是亡齊者豈必陳氏 逆知陳氏之患而不得去雖正言於熊間之項竊歎於 序許世紀 秤編

晉伯方競許常貳晉然當其從齊也楚常不得以急許 楚齊鄭之兵其他特書者益無幾也春秋所為畧於許 而許亦未當得帖然以從楚是何也邪且許之始亡也 考其事許之為國終始實偏於鄭齊伯未衰許常從齊 以後一於向楚凡百六十年之間與哥者才一二役夷 何哉春秋列國久於從夷者莫許若也盡自齊桓會懷 而許猶以無恐於鄭及其貳晉也晉雖或無力以得許 者于州凡記許之事自非從齊吾宋楚之役則蒙晉 欠己日年上十 能一致淺事之侵盖未病也豈非許方表義於從齊鄭 餘而衣裳兵車之會寧不替於諸侯敢許之後鄭人僅 盟三從於征伐雖面縛衛壁之謀忍決於楚人園許之 許宜鄭之日有事於許也而自齊桓既伯許七從於會 事起於突忽而定許之計成於齊魯許莊遂因亂以入 其地分許而不廢其祀信有大造於許矣未幾爭鄭之 許之始終見偏於鄭可知也然自鄭莊公入許而不有 日齊侯鄭伯入許許之後亡也日鄭游速即師滅許是

|金江田下八十 陽橋之師為大夫右孟諸之至為諸侯先凡楚人有事 題自是殿後役鄭圖秦惟曰從楚伐吳滅頼惟曰從楚 |鑒之伐平有首偃之侵猶曰伯討也以區區之鄭而伐 他國也然自晉文當園以諸侯襄公繼以三國悼有首 於中華惟許是攝是赞宜許之可以固事楚而無處於 且服且貳不足論矣晋以文裹之威猶不能致許於會 亦不得有解於討許與齊伯既微宋事抑沒伐鄭會孟 以去疾又伐以公子喜既伐之又圍之使許人一遷于

立必有與斃何惡乎鄭何畏乎楚哉而反是也宜春秋 於鄭肯哥也而不得以久安于楚亦明甚矣嗚呼許太 未易以逞欲數反覆許之顛未則其從齊也可以無恐 深即豈非弃夏從夷非所以即安而以外謀內雖楚亦 請於楚至於其君不反于楚而鄭不止也是何仇許之 禁再選于夷又選子白羽又選于容城雖為之訟于楚 建諸侯設屏之意以輔翼王室獎華點夷則許雖無與 岳之嗣周之封國也使許不忘鄭之大德母光弃先王

とこうらいか

科納

一部公四月在書 · 艺之始末不詳於經何邪原岂亦列國春秋昌為客之 東之也易為夷之居夏用夷改夷之也且莒之為國偏 春秋二百四十二年之經書莒子者五書岂大夫者四 之甚界之也 琅邪苦國於城陽觀齊之疆上有所謂苦之北有所謂 於齊最甚雖當與魯事晋亦皆視齊以重輕益齊國於 苔之易則封壤相錯可知也考之經齊之襲苔者一伐 序苔世紀

莒者二家州之變去疾以齊入侵與以齊出意恢之亂 というしたという 於鄭魯不得行於都齊獨得而擅之当為齊之弱久矣 郊公以齊出唐與以齊入異時廢置之權宋不得以行 為爭也然歸父伐莒則齊魯親也異齊如莒則齊魯仇 也魯襄恃晉莒伐鄫杞齊項服晉魯修向盟則莒之於 雕之敗炒泉之敗向耶之敗年其防茲之敗是苔魯之 之盟浮来之盟曲池之會洮向之會是莒魯之為好也 乃若魯最隣於莒者也入于春秋莒常有接魯之文容 秤編

者各一 動分四五百十 魯一離一合未嘗不以齊故晉最強而遠於莒也前乎 晉一從一遠亦未嘗不以齊故晉大而遠於苔魯近而 也齊逃浸梁苔為晋執齊園桃防苔蒙晉伐則苔之於 伯與會者亦二悼平之伯而會者二十的定之伯而會 文聚苔雖未有從晋之事自文之伯與會者二至景之 其勢然也其他或見伐於舒見入於楚與祀有爭與邻 弱於晉獨齊隊於莒而其強十百馬敌其畏齊特甚亦 然馬陵同盟則齊服晋也祝柯同盟則齊服晋

九三日草 三島 憾皆王法所必該者春秋託始於會隐數簡之中累書 自当始以最爾之当怙其強暴稔尋常之爭逞尺寸之 春秋之始未有書諸侯相伐取地者相伐取地之事亦 夷必有其故矣皆之弊政見於經者甚寡然當考之入 是也秦之為秋始於戰殺鄭之為秋始於伐許昌之為 陵小祖於常習皆無足惟而莒之所以為夷者正不在 之時為弱小之國進退去就從於強令與夫衆暴寡大 有怨與部有惡往往視其強弱之以為勝負大抵春秋

之相保其有不胥而為夷者哉春秋之夷之也宜也或 其若凡五見經而斃於亂者二大夫凡五見經而奔於 之禮無上下之節無名號貴賤之等無文物施報之客 **苫人不殺莒之為夷其防於是乎終春秋之世國君鮮** 曰菩僻陋在夷故春秋客之嗚呼春秋進削人重吳子 亂者二誅於亂者一是又其君臣上下之際無復分義 有不稱諡者苔獨不稱諡大夫鮮有不書名氏者苔獨 不書名氏國君無書朝大夫無書聘者是其國無君臣

銀云四月在書

之乎 長連帥卒正州伯馬雖班爵不同而及禮正刑修德以 尊天子其貴一也薛諸任之國自奚仲為夏車正而遷 告先王之制國大者百里小者不能以五十為之建屬 たこり声心与 秋之初稱侯以朝魯春秋之中當稱伯以會晋其不得 于邳仲虺為湯左相而居于許益先代封爵之餘也春 不輕於絕夷狄如此使当居夷而用夏春秋容得而畧! 序藓世紀

一多次四月全量 物晋世代伯列國聽政以受聘之數於是政令不常貢 會而薛事之特見於經者幾一二爾豈非其國寡弱不 |為微國明矣然自来魯之后凡百二十二年薛君大夫 賦無定迄乎春秋之終不惟小侯弱邦率以為病而大 足以自通於諸侯數益當及之齊桓主盟諸侯官受方 無見於經者自盟蜀之後又百一十年間非從晉於盟 屬邾也至於成周之役宋遂傲然欲以二小國為役而 國亦不勝其困矣故魯人會戚求屬部也齊人盟宋請

意者文公雖復諸侯之職而不必盡勤小國於會是時 吾觀薛宰之言板連反覆首舉践上之載書以為言而 楚又以薛適楚則又不能不惟楚令之聽也以義爾之 齊故及崔杼既来薛大夫亦會則又以晉故異時常從 絕薛於周吁先王建國同於藩屏王室而宋之為後尚 欠日のらんは 國常役於宋矣又逼之以齊臨之以晋楚若何而國哉 何以為諸侯乎不特此耳觀晉悼始會薛實不來曰以 仲幾亦曰踐土固然考之踐土之盟許子在諸侯之後

晉之從令者新亦卒莫能道文聚之故以復薛之舊者 克之既卒好以子録其得齒於列國者最後部子見股 金分四是人 **紅會盟屬齊厚做私吳君為晉得國習衛討宋聖在郊 邾其猶有聖人之澤蝦春秋之初克之未命循以字稱** 隐矣惜哉 吁先王制諸侯建方伯之意微矣崇明祀保小寡之義 須句家取而威虐是肆庶其竊邑黑肱專地而奸執內 序邾世紀 卷十八

事盖未能如都之有常者非交隣之睦敷齊桓之伯首 史已四年 正号 時之大國之所可及吁亦有所自来矣且我自桓公之 若也其君臣之賢多足稱紀而守義東禮之風類非當 然名子所為猶有取於都者豈謂是敷及之經二百餘 世邦稱人以朝之者一宣公以来都稱子以朝者六會 我兵押鄙而強大外陵毅然之都亦然於無足稱者矣 公者一奔喪者一自其他近魯之小國雖時有好魯之 年間小國之睦於交際謹於事伯最為有常者莫都君 Q 钾編

皆卓為賢君求之當時諸侯往往住兵残民信鮮優矣 學首能親賢以修好遠於選繹之謀不憚亡身以利民 盖亦未能如都之有常者非事伯之謹數儀父盟茂之 在公里人居人生 其宗社皆卓為賢臣求之當時列國大夫莫非狗利背 叔術遊園之仁足以及其子孫茅夷憂國之義足以存 于温之役定公之會晋者十一宣公之會晋者十七非 從北杏之會宋襄之伯亦與曹南之盟晉文之伯函愈 公之會晉者一自其他畏晉小國雖鮮有不從晉之事

次足四軍全書 者靈王獨不能以加之於都也吁蕞爾之料果何以得 一盖昔者楚成共所能令於蔡鄭吳夫差所能令於魯衛 中華宋鄭大侯奔走恐後都人亦獨晏然恃魯以不會 行之於都也楚靈合諸侯于申以稱伯汰心虐酸震搖 <u> 燕告者宋之得施於鄭戎之得施於曹者晉曾不得以</u> 求立卻克以八百乘之眾至於城下邾人以一解卻之 以自存而君臣上下之間顧有是邪異時捷留介晉以 君抑可謂絕無而僅有矣孰謂區區之都謭馬若不足 秤編

壽其國至於久而不傾哉 大儒之口則都之為國猶未至於空虚也不然以微國 擊析聞於邾其殆密通洙泗之地濡染儒書之習有聞 金ピアロアノニニ 而介於齊晉宋我之間何啻若豕在餒虎之側抑何以 民不死難而仁政之言親上使民之訓猶得聞於先生 周公仲尼之教而與起者乎益至移公之時鄉與魯関 此於晉楚邪庶幾守義東禮之風亦客可觀矣好魯之 序小邾世紀

大乙日臣 人的 之經紀朝而不稱侯以其不共於朝也介来而不謂朝 十五年經書伐鄉者宋人哀公四年經書執小邾子者 大夫曰是實不忘魯好也非其畏齊事魯者數魯莊公 亦宋人又非其倡於宋者然叛夫以弱國小眾前然求 好於強齊宋我之間常恐不足亦無可道者明矣然孜 曰是齊故也魯襄之世小都當至于朝襄公欲平之其 日也觀晉悼之世小邾不至于會悼公欲謀之其大夫 小都亦曹姓之國介在海濱是齊事魯而偏於宋非一 稗編

封魯僖以後朝我者四晋悼以後會哥者二十執玉端 君也其朝稱来則未成朝也豈不甚微矣乎而母来之 書子或自子而書人書名其不能國亦可知矣獨小都 **最馬日鄉於僻陋之城而不自知春秋或自侯而書伯** 委而周旋於強邦大侯之間從事於禮樂文物之威是 後遂能以禮通於諸侯從齊桓以尊周室而受附庸之 自郑来之来其國稱卿則非成國也其君稱名則未成 以其不能乎朝也以至滕薛都莒之侯皆以成國而駁

動分四月分言

ストンコート なかっ 明偏而不傾擊之滅亡誰之咎哉恭滅人者罪易見滅 孱弱如是尚能為國乎雖然國無小不可易也禮義尚 部之為國微乎微者也事之見於經無幾矣一朝于魯 貌然之都偏而不傾與春秋終始馬是豈無所自来飲 也有青我之賦权孫昭子曰不可以國其能久乎嗚呼 可嘉也已故皆觀我昭公十七年小科子来朝於其然 會於宋其君見用於料其國見偏於苔而卒滅於苔 序鄫世紀

之有今及之經齡之亡其大罪有二而他不與馬三綱 五常建於天地豈非保身立國之大本殿狗情弃禮者 於人者罪難見使郎能強於為善以保其國亦何孱弱 矣先儒謂部子之用於都成於都不在乎曹南之後宋 殺身之符券狗情奔義者亡國之斧斤斷斷乎不可誣 一多方四月五十 隣國之不能敢患也如晉觀巫立所以為後而部國己 己亡矣部國之偏於苔滅於苔不在乎會成之屬與會 與其臣子之不能桿患也遇防朝魯於亂再世而部子

欠己日日 江西 道兑矣昆夷脱矣夫自其題慰廼止廼彊題理以至于 滅矣嗚呼身有既亡國有既滅而不自知者其節之謂 紀為齊弱久矣亡紀者齊樂紀數昔太王居邠常偏於 顯斥曰減其垂戒之意遠矣以此防民後世猶有玩物 乎春秋本其遇防之禍而直書曰殷備其覿巫之迹而 狄矣縣之詩曰肆不殄厥愠亦不隕厥問柞械扶矣行 以喪其身保字異姓以墜其世者吁 序紀世紀 秤編

太王所以去が而基王業數紀齊同姓也而齊欲滅之 暑之節龍蛇之蛰未有不積而能施不屈而能伸者此 髙門有佐冢土既立軍國之客無不備然後可以不絕 金分四月月十十 秋三十三年而紀侯去國紀之好政不詳於經試即其 此豈一朝一夕之積哉紀之自為國者宜何如也入春 其所愠之夷亦不廢其聘問之禮以預昆夷之駁益寒 帛題客冬平苔城齊鄭合謀而與魯會成隣好是託魯 二事而考之尚有可論者益履綸逆女秋結当接子

||公解體而季姜歸周王寵是求曾是以為謀誰其過數 **東定四車全書** 故曰梁亡自亡也鄭弃其師自弃也紀侯大去其國自 ·詩其不免也非特齊能亡紀紀之為國亦足以自亡矣 本支同出封壞相勝蓄城九載造聚十年而紀終無以 有人乎三色既遷而紀季入齊紀侯去國勢宜然也吁 以至齊怒未怠遽挟鄭與魯以謀齊齊雖敗而怨愈深 福愈並亦豈釋怨之方夫知畏齊而謀國者是尚為國 **豈正辭之義敗齊未也又偕魯致齊以盟黃齊雖盟而** 裨编

秦移有言德之不建民之無援昔文武之有天下也選 以都入于齊是紀祀猶有奉也異時書紀季姬歸于都 去也其與大王去が之事遠矣然則齊侯無罪乎齊紀 是紀侯之室家猶有歸也以春秋考之季則未有罪耳 人竊地稱名而紀季以鄒不稱名則非竊地經書紀季 同姓而謀紀之國無所不至其罪不待貶絕而自見也 乃若春秋之法數入書奔而紀季入齊不書奔則非叛 序庶爵微國紀

友正写事 上 人之廬皆所謂建德以為民之接非惟不可廢亦有所 其公天下之心也豈特以私王室哉存先代之後表仁 邦践部境終春秋之世微國 国於兵華擾攘之禍殆不 建親賢大國數十亦既足以統屬人心綿固國勢其人 来會入極矣鄭取戴矣鄧畏楚衆齊迫陽小向蒙苔師 相并而為盟主亦不復能與其疆場之事故自隐桓以 不敢廢也春秋諸侯不知有崇明祀保小寡之義強弱 非周之子孫其地不足為國之屏翰先王皆爵列之此 稈編

茂也群動息馬水之洞也雖蛙龜不足以自存方春秋 金年四月 月十 於此亦可以改論世變云 额史在魯邦城之中猶且不免見王澤之既竭也君子 勝數而得周旋於幣玉牡犢以從諸侯之後甚無幾馬 民不復見徳而干戈之禍極於戰國而後已悲夫本之 吁亦足以見周禮之衰矣徳之不建民之無援是以生 之中世魯雖無腆存須句見王澤之未於也至其末也 序楚世紀

楚為夷秋前乎春秋己處之矣詩之撻彼荆楚是也然 其後至於抗衛又其後遂至於用中夏之柄由楚一國 其患皆未有若楚之暴且人者是故春秋書楚之法特 秋之中吳始大於春秋之季泰直為晋仇越直為吳抗 嚴軟然自天下之大勢言之則楚之患其初始於猾夏 國患者日秦楚吳越戎狄戎威於春秋之始狄威於春 春秋書法未有爵於楚者始曰判繼曰楚始曰人繼曰 とこうらい 子何其進之微而子之不亟邪春秋之世夷秋之為中

多定四月全電 徒為之謀其國此其所以能世抗齊晉而與春秋終始 成莊共平康昭為之君有子文叔孫子庚子本子蕩之 者察鄭宋曹衛而大者則有召陵之盟必與城濮之戰 末而楚之盛衰大縣可見也蓋楚有方城以為城漢水 康靈以後雖屢抗中華而其國實趨於弱究一經之始 之勢言之則共在以前雖僻在别蠻而其國實超於強 **數嘗觀楚十三君其與齊哥爭者非一國成之世所爭** 以為池有申吕之田以禦乎外中息之門以禦乎內有

次定四年全書 殿於抗衛至晋平不能與楚抗而夷夏之勢不知其孰 盟至靈幾伯諸夏而遂有中之會吁是豈一日之所致 輕孰重也於是楚入遂得以偃然竊用否中國之柄矣 猾夏晋文親與楚敵後世祖於或勝或負而其勢遂駁 哉蓋自齊桓不與楚角諸侯雖一向一背而其患止於 盟鄢陵之戰蕭魚之會也至康盡得諸侯而遂有宋之 脚之戰也共之世所爭者又獨不及蔡而大者則對之 也移注之世所爭者獨不及曹衛而大者則辰陵之盟 - 秤編

量功以用民而民政舉於內入鄭而不以為俘克陳而 金グセスノニ 於強大莫校亦豈偶然邪成康以後楚雖專令於諸侯 於國申做于軍歲飢而振原放至而施惠大户以行師 雖然武文以来楚未抗衙於齊晉也其君無日不申訓 行則軍政立於外內選於親外選於舊而賢戚不遺復 而自州来奔命焚好患乎吳鍾離婚師吳始易楚數十 不以為縣官衛有環尹者敖有六卒荆尸而舉右轅以 以勸善豆午以靖國而賞罸不失以區區之荆蠻至

於定四軍全書 一釋之後世為旬邦春秋之前既以為夷矣終春秋之世 由然而觀之楚方威而已微益無平不敗無往不復夷 取相尋亦果易為而然那由始而觀之楚自微而浸大 死楚君肝食遠越出師宋人闕戰遂至以堂堂之楚喪 許而制敵之處淺治好而持世之謀疎輕師以基亡郢 之畜城邑以墮挑吳之靈無極好詭楚人遠成伍員逃 年間楚日不競復都而疆場不安城養而遇鄙無好遷 狄之強固未有能久而不替者理之常也雖然楚本熊 秤編

宗周春秋不得不深絕馬者也然當以經而改之觀其 與晋強弱之形與楚消長之勢則其事有不獨係一 年数矣至其極盛亦不過以子録之葢假名竊號不有 |吳姬姓之長春秋夷之何也吳解在海濱不與姬通有 **誅者不然楚荆州之國聖人豈直以其地而夷之哉** 其罪抑安在耶世竊名號而拔本塞源之罪益有不勝 聖人雖屢進之迄不得與滕薛之侯例以爵通於中國 序吳世紀

常是之時喪師於必而大恥未酒匱盟于蜀而齊言尚 欠己日見なら 年而兵在鄉鄉我屬也莫或放之亦可見中國之無伯 吳之所憂者乃不在楚而在越其顛末有可及者馬何 而在楚又其最後也中國既不足畏楚人亦不能強而 也晉伯不在諸侯中國亦甚易與則吳之所爭不在晉 後也當中國倚重於吳而吳亦甚有意於駕晉又其後 之威衰者益其始威也當晋方患而楚未联於憂矣其 以言之伐郑之師吳事之始見於經者也壽夢立之二

善道之會又以魯衛而私好於吳然自祖以前猶曰致 吳也楚人猶知忌吳而中國諸侯乃帖然與之周旋而 行矣吾觀齊伐吳楚始忌吳也至是子囊伐吳楚益忌 吳以從中國之會也向以後往往以會吳而勤諸侯之 國之大體始虧矣無何鍾離之會既以晋而求好於吳 夷狄於中國若未甚害貨一夷狄以送志於一夷狄中 一盟未能卻楚而州来之役乃仍然有求於吳以夷狄 攻 金月四月月 新晋景主盟方日虞楚人之至於吳豈暇憂哉馬陵之 卷十八

不為病何耶餘祭方立曾楚實為拜兵之會不能四年 火足四東公告 一 微申盟康至而判蠻方肆吳人不復知晋之可畏則其 吳不一報楚吳豈忘楚者乎于時號會復講而晋伯益 其意豈可測哉然吾昭之始凡三年之間楚三伐吳而 臣之群當中夏茍安之時季子以嫡嗣還觀于上國此 (進之稱子向也界之未有位號而令也詳之以著其君 而夷木君吳季礼聘我蓋礼之聘猶餘於之聘也以吳 之於中國向也殊會而令也稱聘向也秋之言國令也

於魯兵患編於齊楚远于黃池之會春秋紀兩伯之辭 |事之魯戰齊而吳助之而齊楚亦罷於奔命夫威令長 見自是致魯會都信魯伐齊而我始奔命楚伐陳而吳 |曹伐吳不二年而吳遂入郢以楚不忍於吳而薄伐其 都色吳深創於楚而直造其國都吳楚之強弱於此可 以自殖役國以立威吳亦何所不至哉定公之明年楚 戰于長岸戰于雞父既滅巢又滅徐又伐越夫滅國 所爭惟一楚爾未幾楚有克谿之變吳始有州來之師

曹之未 服憂吳成於吳之為接於晉遂至晉弱而吳強 而越與中國始展轉家患於夷狄吁是其事宣特係於 晉輕而吳重 吳始嚴嚴求駕於中國楚仆而吳與吳仆 出於超哉君子觀之吳威衰終始凡四變蓋其患始於 在會而諸侯不敢不至也區區之越乃得乘問以入其 國吁當夫差以前吳之所愛豈不在楚而孰知其禍乃 可謂極盛矣然德薄而數大功應微而數得志故方其 一英之盛衰而己哉善觀春秋者亦可深致其責於景

とうしのちにんかう

秦入春秋七十五年而始見經實穆之十五年由是秦 秦之為狄其始於殺之戰敗夫秦以奉子之餘踐岐野 之得書於冊者才六君然其間泰事之可及拾入都滅 之地腐顯服以為諸侯春秋之秋之也豈以其也哉觀 厲以来之晉 金岩巴尼石量 公釋韓之憾而從晉文於改上之盟於是會于温會于 庸好我盟蜀数事之外大抵秦晋兵爭之迹嗣盖自穆 序泰世紀

一致之四年全書 一 秦者六秦之伐晋者亦六暴两國之師與數十年報復 之戰遂有彭衙之戰令孤之戰河曲之戰其餘晋之伐 一般者良有以也然當即春秋所筆以求詩書之所載秦 越其境背盟失信以食勤民而弃其師是狄道也由教 交伐之文始絕書於經原始要終則春秋所為狄秦於 之師更四君而未已也蓋自裹公十一年戰機之後秦晋 滑之師格累自秦利人之危以襲其國不良人之喪而 |程泉倍役於園鄭戮力同心猶縣之斯未始有除者入 禅編

處仁遷義向背好惡從而一變前日所抵塞木既挟者 戰自力而不知以禮義然成之氣象大抵似我讀車都 善素詩十篇雖移公無美有刺而詳記泰仲以来強大 矣至於尚書百篇終以泰誓乃甚有取於移公悔過之 起西郵與我狄雜居本以富強為光襄公以後一以耕 之由不少殺馬何哉吁聖人用夏變夷之意甚切矣秦 駟職小戎數詩可以縣見穆公深懲力割於殺之役 之本木尚有可得而改者矣夫春秋書秦之事亦甚貶 とこり という |移公悔過之美以著移公幾有能變之道於春秋則追 於詩述秦仲始大之由以明秦有常變之俗於書偏述 皆移充此心也帝王何遠之有兼該之詩無可作也何 庶幾能不辱之截截巧言能移人之辭者固前人求之 惟恐其少也令乃以其徒寒縣而厭之方寸既改奉動 所喜過周超乘者非令之所謂射御不逸之勇夫邪而 非今日之所謂膂力既短之良士耶而庶幾有之前日 秦俗之不可變哉而秦之卒為狄則是可歎矣故聖人

不察哉 世君子觀移公以前泰事未有足稱由移公以後泰君 之身伐秦者再既亦不能實誓師之言矣尚何貴於来 之然不變也吁豈不深切者明矣哉益殺戰之後移公 越事之經可一二數矣雖然君子有觀馬夫越以伯禹 皆不及移甚則移公一身實泰國本末城衰之所係可 序越世紀

金分世月白書

段移公始禍之迹歷感秦晉交兵之事而狄之以惜泰

|勾践與吳之事可以勵臣子之節為振翰激懦之勸是 東王四東 公告 **聞越事為治吳其詆矣吁深於仇人者無急謀巧於用** 報之念及勾践困於夫椒而遂成不釋之警然十二年 闔間之立遂因之以仇越是以夫差敗于橋李而懷必 未容置而弗論也益越自楚靈之強當從之以伐吳而 越然於春秋之世常不過以國稱豈非解陋之甚乎獨 超始見經以具楚之偕春秋夷之其極成也猶得書子 之苗裔受會稽之别封其来已久入春秋百九十餘年 新管膽之時而沼吳之志卒逞於生聚教訓之後二十 地至編也仇吳之念隐於柔服之初勝吳之計當於卧 邑足以祀夏務財訓農通商惠工則曹之遺民亦足以 · 問厥問以駁昆夷可也當秦襄之世而即壮孔阜後即 造衛此皆已事之驗夫五十之甲衆至小也會指之棲 孔奉以討西戎亦可也有田一成有衆一旅則綸之餘 怨君子不怒其力之不足當太王之時而不珍厥愠不 國者無通功齊復紀警君子不樂其力之有餘魯釋齊 卷十八 たとりられいかっ 机于四夷使夷不干夏或不偏華周室之衰王政不行 之矣 所以伯種盛之所以善謀伍子胥之徒之所甚忌者敷 年間所欲盡從如探囊取物如執券責負豈非勾践之 春秋之世戎為中國患函矣雖然亦有由也先王居棲 吁天下之事無小大也能勝者勢而先勝者理可為者 力而必為者志由越之事則與事造業者亦可以暑觀 序我世紀

丘之變凡伯為執侵曹之禍亦子以歸是非細故小變 類不一犬羊雜居益莫甚於東周之季矣嗚呼我於是 莊僖之前經之所書猶不過曰我曰北戎曰山戎僖文 **膺荆舒是懲周公法也齊晉之伯均為有功於中國然** 於是發幣不通言語不同之人遂居衣冠禮樂之地蓋 何以言之隱桓以来戎狃於東遷之緊恣睢孰甚馬楚 以經改之齊有攘戎之功晉有致戎之罪不可不察也 以後始有所謂姜戎者雒戎者陸渾戎者名號雖殊種

平茅戎於周矣而蠢蠢之衆猶得挟救垂之怨以敗王 九八司員 八五 臣故其勢不得不至於陸梁異時徐吾之役瑕嘉亦既 職貢不至亦凡以我故自桓公過魯以謀之而魯思息 矣然皆齊桓之未與與齊伯之未定也盟幽以後桓公 後晉常恃戎以為掎角之助戎常事晉以為不侵叛之 世實誘我以遇于伊襄之地實挟我以之于殺自時厥 偕許以伐之而燕雾弭戎之攘齊實致之而晋自惠之 始大振治戎之旅向者我之盟會相尋凡以戎故燕之 秤編

山戎姜戎雒戎而獨名戎者為最強狄之類有赤狄白 春秋之世戎狄俱為中國患然戎輕而狄重我之類有 戎之 功衰矣晋人致 我之罪不可逭矣 桓伯責晉之解有曰戎有中國誰之咎也后稷封殖天 師向之會范宣子當欲退駒支於盟矣而設該之解終 得援惠襄之舊以為晉賜戎之張誰實放之故嘗觀詹 下今戎制之不亦難乎吁周公膺戎之法廢矣桓公攘 序狄世紀

とこうらいます 足以見伯業之衰亦可以及其故數盖當論之齊自桓 未幾一二世以後乃累治秋而不置何耶縱秋若齊桓 中國之政不但侵暴而已也然當放之經狄之患莫甚 侵暴中國其強易弱秋人敢於滅國當齊桓之世與聞 狄長狄而獨名狄者亦最強狄比諸我性尤悍熱戎雖 於僖文之春秋矣齊之初伯嘗謀邢衛之難自是數十 之尚謀而無損於伯業之威治狄誠晉人之馬功而適 年間當置狄於不問晉之盛時不過敗狄于其之一役 糾編

諸侯盡離伯業大去於是含垢隐恥閉南關而北出以 藩籬之侮尚幸其不至於為患盍亦少安馬以息吾室 召陵聽命諸侯已勤矣是猶門户之惡既悉力以去之 志未固方将并謀單力改北轅而南向以圖治荆之功 君能度其徳之所能舉故縱秋不問而卒無損於伯業 之盛晋自景属君臣不相聽以為郷之敗也平丘以降 内之人此齊桓之謀國能量其力之所可為管仲之 公數年經營以免那衛於難也會裡以来判患方張鄭

到太四姓全書

當齊桓之威猶所不免而自晉襄以後成無聞馬晉人 諸人之專欲以行其厚自封植之謀故治秋不置適以 事治秋之忿秋雖大割而晋之威重亦魔矣是猶為獲 亦縣可改矣雖然春秋之世諸侯家秋之患者凡八國 儒匿大恥以求微功故治秋而不足以為武齊晉之故 者笑之此皆伯宗荀伯之謬欲以文其丧弱之垢歸范 遇盗高户以避之羞其不以力稱乃逞虐於厮役為士 見伯業之衰夫暴近效而圖大體故縱狄而不足以為

たっとりといい

神編

無取馬 ·剪除之力亦豈可揜哉惟其拾内以事外也是以君子 金月四万人三十 其始也王室與伯者相為強弱其後也王室不必尊矣 至無足道聖人猶必因事謹識馬何哉嗚呼春秋之世 深哉遠乎春秋之為中國處也大而吳楚之君戎狄之 乃中國與夷狄相為消長又其後也中國不足畏矣夷 人亦既深排而力抑痛懲而亟膺之矣至於蕞爾之夷 序夷微國紀

文已日年 白月 其微贏弱之承雖未能強猛而中心常在於跳鄭猶陰 更廢而互與也貌然極陋之夷習於逞志而安知其終 於冊巴以人稱甲路以氏稱鮮虞屬各如以號稱蓋不 我回判爾莊傷以後介也徐也舒也庸也始累累而書 **豕 學 蹢躅夫遇陰始生而将長之卦也制之之道當於** 秋又自相為盛衰觀隱桓之初夷之見於經者不過曰 不足以抗衡哉是聖人之所憂也在易過之初六日羸 而足嗚呼彼是楚戎狄之國既得以交起而选仆也 秤編

我好終至於是齊晋攘夷之烈信微矣 伯徐舒有爭晋文威時介蕭有惡則下是亦安為之謀 是頼也夫何治大拾小其力已有不假為者當齊桓始 春秋於其微國曾不少畧馬其為中國處豈不甚深遠 勝君子中國之有夷狄猶陽之有陰君子之有小人也 微而在外其心常在於剥陽小人雖微而其心常在於 乎雖然春秋之世斜逃異類一正諸華亦惟齊晉之伯 序附夷國世紀

20.10.... /14.00 春秋諸侯逼於從夷者衆矣當荆楚甚強之時自魯宋 楚而偕之為會矣則宋我陳蔡鄭許之國何九乎宋我 甚矣然至會宋而列書大夫會申而悉書諸侯會黃池 大國至於都当小侯本有不折而從之者也春秋於齊 則者晋而不設公端者無所貶馬何哉亦當求其故矣 也祖之會殊矣以致魯都之會沒鄭而逃陳其貶絕之 之盟日人楚以人諸侯也於宋之役日人楚以人諸侯 彼伯業不競不在諸侯主齊盟者亦既仍馬聽命於吳

六之不亡桓文且爾他何望哉小國尚安所恃而不奔 陳祭鄭許之國不足罪則夫小於宋我陳蔡鄭許之國 中國不復能以一矢遺夷狄而封豕長蛇之類自相雄 於赴凡小國在夷狄之字下者信有罪馬爾齊晋益微 又何尤乎故嘗觀齊桓之伯能帖荆於名陵而不能止 奪其得免於滅亡者亦鮮馬吁小園之甘於從夷将以 江黃之伐晉文之伯能致秦敗楚於城濮而不能保都 走於從夷耶是故崇屬於泰郊屬於吳沈徐胡頓皆屬 基十八

好完四库全書

一求免也而終無以自存又何其甚不幸數告吳伐郑季 アスこうらいいけ 文子曰中國之無伯也世變至是春秋安得而不終乎 四三

			 	_
郷総老十八				多分四月全書
		,		老十八